

էր ուղարկել, բայց Տ. Փոխարքայից այս օրերում Սինոդի միջնորդութեան բացասական պատասխան գալու պատճառով, աւելորդ համարեցաւ այլ ևս ուղարկել, այն ինչ լուրն արգէն տպուած էր թերթում:

Ամսոյս 16-ին Մ. Աթոռի ճեմարանում գրական-գեղարուեստական երեկոյթ էր սարքուած Հայրիկի և Պռօշեանցի յիշատակին: Հանդէսն սկսուեցաւ հայոց մատենադրութեան ուսուցիչ պ. Մ. Արեղեանցի բանախօսութեամբ: Պ. Արեղեանցը հակիրճ, բայց բնորոշ և պարզ կերպով ներկայացրեց Հայրիկի դէմքն ու գործունէութիւնն ըստ հայ բանաստեղծների՝ գլխաւորապէս Բաֆֆու և Պռօշեանի: Իսկ պ. Բերբերեանը բնորոշեց Պռօշեանցի տեղը մեր նորագոյն գրականութեան մէջ և նորա նշանակութիւնը իբրեւ միպոսան: Երկու բանաստեղծ ուսուցիչներ՝ պ. Յ. Յովհաննիսեան և պ. Յարութիւն Պետրոսեան մի մի ոտանաւոր կարգացին՝ հանգուցեալ հեղինակների յիշատակներին: Պ. Պետրոսեանի բանաստեղծութիւնը տպուած է ներկայ համարում: Երկու աշակերտ ևս՝ Քոչարեան Ս. Գրգ. դասարանցի և Բաղրեան Ստ. ինքնուրոյն ոտանաւորներ կարգացին, որ հասարակութիւնն ու աշակերտութիւնը ծափահարութեամբ ընդունեց: Ի վերջոյ պ. Կ. Մելիք-Շահնաղարեանց՝ Տմբլաչի Խաչանը՝ կարգաց իւր «Յինչու իւրա ընք» յօդուածը, հումորով լի մի քննադատական՝ մեր նորագոյն «սոցիալական» շարժումների և երևութների մասին: Մէջ է մէջ երգում էր հ. Կոմիտասի խումբը, ինքն էլ հ. Կոմիտասը դաշնամուրի աջակցութեամբ զգացմունքով երգեց «Սիրտս նման է» անտունի երգը, իսկ նորա աշակերտը՝ Ա. լսարանի ուսանող՝ Խոսրով Փախչանեանց՝ դաշնակով աջակցեց իւր գրի տուած և դաշնակած «Կայնել եմ՝ դալ չեմ կարող» ժողովրդական երգը: Մաղաթեան Համբարձումը շատ յաջող կերպով կարգաց Պռօշեանից «Ուսումնարան» հատուածը:

Ամբողջ երեկոյթը հանդիսականների վերայ թողեց լաւ տպաւորութիւն: Ճեմարանի երկար ժամանակեայ

շփոթուած կեանքից յետոյ՝ նորան դարձեալ տեսնել բարեկարգ և իրեն վայել վիճակում, ամենքի տենչն է։ Յանկանք, որ նկատուած լաւ նշանները աւելի ևս զարգանան և յարատեւ լինին։

Անցեալ համարում յայտնել էինք, որ Կարապետ ծ. վարդապետն ընտրուած է միաձայն Ատրպատականի առաջնորդ։ Հոկտեմբերի 23-ին Թաւրիզի պատգամաւորների հետ ճանապարհ ընկաւ նա իւր նոր պաշտօնատեղին։

Ս. Հայրապետի մահուամբ անկարելի է այժմ իրադարձել «Արարատը» շաբաթաթերթ դարձնելու միտքը, որի մասին հաղորդել էինք անցեալ անգամ։ Այդ խնդիրը կմնայ նորընտիր Հայրապետի տնօրէնութեամբ լուծել։ Սակայն էջմիածնում խմբուած գրական ուժերը՝ միաբանութիւնից և ճեմարանի ուսուցչական խմբից՝ կաջակցեն թերթիս յառաջադիմութեան։ Եկող յունուարից «Արարատը» կհրատարակուի երկու բաժնով. ա) պաշտօնական—կրօնական—եկեղեցական, և բ) գրական—բանասիրական—մանկավարժական։ Բացի հեռու և մօտ հին աշխատակիցներից՝ անմիջապէս կմասնակցեն հ. հ. Յուսիկ, Երուանդ և Լեւոն վարդապետները, միաբանը, իսկ ճեմարանի ուսուցիչներից պ. պ. Բերբերեան, Արեղեան, Յ. Յովհաննիսեան, Յ. Պետրոսեան, Խոստիկեան, Սամուէլեան և Մնացականեան, ինչպէս և պ. Կ, Մելիք—Շահնազարեան՝ Տմբլաչի Խաչանը։

Ս. Սինոդը Օր. XI. հատ. I մ. 1119 և 1120 յոգուածների համաձայն նոր կաթողիկոսի ընտրութեան օրը նշանակելով 1908 թ. հոկտ. 30-ին, ծանուցողական հրովարտակներ է ուղարկել Ռուսաստանի և արտասահմանի Հայոց բոլոր թեմերին։ Ռուսաստանի առաջնորդներին Սինոդն ուղարկել է ծանուցագրերն անմիջապէս, իսկ արտասահմանի թեմերին Տ. Փոխարքայի դիւանի միջո-